

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Caput XIX.

[urn:nbn:de:hbz:466:1-64103](#)

VINEA
absque ulla licentia eodem induunt, ut eo
liberius possint vagari.

Ad evitandum hoc inconveniens, ordinatum fuit à Gregorio IX. in Brevi : Regularem vitam. &c. sub pena Excommunicationis, prohibente cuicunque Eremitæ, & Tertiario Franciscano : illum non posse portare Habitum Franciscanum ; & omnes, qui inventi fuerint talem Habitum gestare, ab Ordinariis cogendos esse, ut hunc depo-
niant, & diebus festis inter Missarum Solemnia denuntientur excommunicari. Et Urbanus VIII. in Brevi : Cum sicut Dilectus. &c. subjunxit, nullum, nisi Professum, posse sine licentiâ Superiorum Ordinis in scriptis obtentâ, gestare tunicam, aut Habitum cum Mantello, vel sine, vel cum Capucio. Si quis autem in hoc delinquens fuerit repertus ; illum ab Ordinariis locorum carcere mulctandum, variisque poenis cogendum esse, ut similia indumenta deponat. Circa Capucium autem expressè ordinat ; ne illud talibus ullenus concedatur, aut ab Ordinariis locorum, aut à Superioribus Ordinis, aut etiam à Nuntiis Apostolicis. Et qui culpabilis in hoc fuerit inventus, quod debeat irremissibiliter carceri mancipari, ab iisdem Ordinariis Habitum spoliari, aliisque poenis puniri. Quapropter rogatur humiliter Apostolicus Zelus Sanctitatis Vestræ : Quatenus dignetur renovare prædictas Bullas Gregorii IX. Pauli II. & Urbani VIII. & expressam declarationem adjungere, ut nulli extra Religionem talis Habitum etiam sine Capucio concedi possit. &c.

Hic libellus supplex cum aliis, quæ in ipso pro efficaciore remedio subjungebantur, à Sanctissimo fuit remissus ad S. Congregationem negotiis Episc. & Regul. præpositam ; à qua (re mature considerata) sequens Decretum emanavit :

S. Congregatio Emin. S. R. E. Cardina-

SERAPHICA.

lium, negotiis & consultationibus Episc. & Regul. præposita, stante remissione libelli, per Ss. Dominum nostrum facta, & attentis narratis, censuit injungendum; prout præsentis Decreti tenore injungit Ordinariis locorum : ut supradictas Constitutiones Apostolicas juxta earum tenorem, executioni omnino demandent. Datum Romæ 21. Martii. 1686.

C A P U T X I X.

BREVE PROOEMIALE

à Ss. Domino nostro Innocentio XI. concessum, pro observatione diversorum Brevium, & Decretorum : in quibus præcipue Concessiones, & Indulgencie tam Tertiiorum, quam Confratrum Chordæ S. FRANCISCI ad longum continentur.

INNOCENTIUS PAPA XI.

Venerabilis Frater, & dilecti Filii : Salutem, & Apostolicam Benedictionem.

LXXX. Exponi nobis nuper fecit dilectus Filius F. Franciscus Diaz à S. Bonaventura in Rom. Curia pro Familia Ultra-Montana, Obedientiæ, seu Directioni Ministri Gen. totius Ordinis FF. Min. subiecta, Commissarius Gen. quod alias ad favorem dilectorum Filiorum utriusque sexus, Confratrum Chordæ S. FRANCISCI, & Fratrum Tertiæ Ordinis de Pœnitentia emanarunt à diversis Pontificibus Prædecessoribus nostris literæ in forma Brevis expeditæ :

Primò. à fel. record. Paulo Papa V. sub die 25. Sept. 1607. incipientes verbo. Nuper. &c.

Secondo. à rec. mem. Gregorio XV. 26. Junii.

Junii. Incipientes verbo: *Alias. &c.* Et continentates tenorem aliarum bo. mem. *Sixti V.* etiam Prædecessoris nostri.

Tertiò. Ab eodem Papa *Gregorio XV.* 10. Novembris. 1622. incipientes : *Pias Christi. &c.*

Quartò. à piæ mem. *Alexandro Papa VII.* pariter Prædecessore nostro. 28. Jul. 1657. Et deinde à nobis 28. Junii. Ac postmodum 5. Septemb. 1686. Quibus inter alia communicantur inter ipsos Sexūs utriusque Tertiarios, & Confratres; seu cum ipsis Tertiariis, ac Confratribus, & Religiosis diversorum Ordinum; & conceduntur seu confirmantur diversa Privilegia, Statuta, Concessiones, & Indulgientiae, illæ præcipue: pro recitatione Coronæ B. M. Virginis, à dicto *Paulo V.* 8. Junii. 1608. Et pro Statione sanctissimi Sacramenti; & Exercitio viæ Crucis, etiam à nobis, præviis supradictis litteris, sub dictis diebus. 28. Jun. & 5. Sept. impertitæ & innovatae; imò etiam Decreta (à Congregatione Indulgentiis & Reliquiis. præpositâ) sub diebus 14. Janua. & 15. Julii 1681. formata. Et licet à nemine Literarum, Privilegiorum, Statutorum, Concessionum hujusmodi, & Indulgientiarum executio impediri valeat) etiam non obstantibus quibuscunque conditionibus, vel oblocutionibus Superiorum, quorumvis Ordinum, maximè in Angelo-Politana & Mexicana Dicētisibus. Nihilominus idem Exponens pro interesse, & indemnitate dicti Ordinis Minorum (cujus directioni præfati Fratres, & Tertiarii sunt subjecti) & ad quem vigore prætactæ nostræ confirmationis, dictæ concessiones extenduntur; ne Literæ, Privilegia, Statuta, Concessiones, & Indulgientiae præfatae debito frustrentur effectu, Nobis humiliter supplicari fecit: ut ei in præmissis opportunè de benignitate Aposto-

lica dignaremur providere. Nos igitur statum ac merita causæ, & causarum, litterarum, Privilegiorum, Statutorum, Concessionum, & Indulgientiarum hujusmodi tenores, præsentibus, pro expressis habentes; ipsumque Exponentem à quibuscum Excommunicationis, Suspensionis, & Interdicti, aliisque Ecclesiasticis sententiis, Censuris, & pœnis (à Jure, vel ab homine, quavis occasione, vel causâ latis) si quibus quomodolibet innodatus existit ad effectum præsentium tantum consequendum, hatum serie absolventes, & absolutum fore censemtes, hujusmodi supplicationibus inclinati, discretioni vestræ, attentò: quodd, sicut dictus Exponens asserit, agitur inter exemptos; per præsentes committimus, & mandamus; quatenus vos, vel duo, vel unus vestrum; vocatis ad id (qui fuerint evocandi) ad dictarum litterarum, Privilegiorum, Statutorum, Concessionum, & Indulgientiarum hujusmodi executionem, juxta illarum, seu illorum seriem, & tenorem: prout de Jure, Auctoritate nostrâ procedatis. Nos enim vobis, & cuilibet vestrum, quoties, & quo fuerit opus, citandi; illisque, & quibus videbitur; sub sententiis, Censuris, & pœnis inhibendi, ac inobedientes in illas incidisse, servatâ formâ CC. Tridentini, declarandi, aggregandi, reaggregandi, & interdicendi, cæteraque in præmissis necessaria, & opportuna faciendi, exercendi, & exequendi, Apostolicâ Auctoritate, plenam & liberam (tenore præsentium) concedimus facultatem. Non obstantibus præmissis Constitutionibus, & Ordinationibus, cæterisque contrariis quibuscunque. Datum Romæ apud S. Mariam Majorem, sub annulo pectoralis. 15. Maii. 1688. Pontificatus Nostri anno 12.

F. Archi Episc. Eph.

Su-

Superscriptio.

*Venerabili Fratri Episcopo, Angelo-Polit.
& dilectis Filiis: Nostro, & Sedi
Apostolicae Nuntio in Regnis Hispaniarum residenti, ac Scholastico Ec-
clesia Salamant. & eorum cuilibet.*

C A P U T XX.

LXXXI. Sequuntur Clausulae Literarum, summorum Pontificum, in favorem Confratrum S. P. N. FRANCISCI editarum; de quibus in priore Brevi Ss. D. N. *Innocentii XI.* fit mentio. Et quæ in eodem executioni mandari præcipiantur.

Imprimis continetur ibi Breve *Pauli V.*
Nuper Ec. in quo sancitur.

LXXXII. **D**E omnipotenis Dei misericordia, ac BB. Petri & Pauli Apostolorum ejus auctoritate confisi, omnibus utriusque sexûs Fidelibus: qui in memoriam ejusdem S. Francisci, chordam benedictam ab ejusdem Ordinis Superioribus suscepint, & ad prædictam Archi-Confraternitatem admitti fuerint, Confratribus, & & Consororibus, verè pœnitentibus & confessis, ac sacrâ Communione refectis, qui prædictæ Archi-Confraternitatis Ecclesiam, à primis Vesperis, usque ad Occasum Solis, ejusdem Festi seu Confraternitatis, singulis annis devotè visitaverint; ibique pro Christianorum Principum concordia, Hæreticum extirpatione, & S. Matris Ecclesiæ exaltatione, piis ad Deum preces fuderint. Etiam plenariam in mortis articulo, eisdem Confratribus & Consororibus, qui pœnitentes, & confessi, ac S. Communione refecti; vel,

quatenus id facere nequiverint, saltēm verè pœnitentes, ore nomen JESU (si potuerint) vel corde, devotè invocaverint: omnium peccatorum suorum Indulgentiam & remissionem misericorditer in Domino concedimus. Nec non ipsis Fratribus & Consororibus (qui prædictæ Archi-Confraternitatis Processioni singulis mensibus fieri solitæ interfuerint) tres annos, & totidem Quadragesimas; qui verò Officio B. M. Virginis ab ejusdem Archi-Confraternitatis Fratribus pro tempore celebrando, ac recitando, aut cuivis alteri Officio interfuerint; 500. dies. Insuper iisdem, qui Ss. Sacramentum (quando ad infirmos defertur) coinitati fuerint; 5. annos, & totidem Quadragesimas. Qui verè pœnitentes & confessi, ac S. Communione refecti, aliquam ex Ecclesiis dicti Ordinis Minorum Conventualium, (in S. Francisci, S. Antonii à Padua; S. Bonaventuræ, S. Ludovici Episcopi, S. Bernardini, & S. Claræ Festivitatibus) similiter à primis Vesperis, usque ad Occasum Solis Festivitatum hujusmodi, singulis annis visitaverint; & oraverint, ut præfertur: quo die Festivitatum hujusmodi id egerint, 7. annos, & totidem Quadragesimas. Quoties verò corpora Defunctorum tam Confratrum, quam aliorum ad Sepulturam comitati fuerint, vel pauperi Personæ in suis necessitatibus subvenierint, aut pacem inter inimicos composuerint; toties pro quolibet prædictorum operum 500. dies, de injunctis eis, seu alias quomodolibet debitibus Pœnitentiis, in forma Ecclesiæ consueta relaxamus. Insuper iisdem Confratribus, & Consororibus [ut supra prædictas Indulgentias, & gratias spirituales consequi, & illas animabus Defunctorum, per modum Suffragii, applicare possint] per præsentes concedimus & indulgemus. &c. Et infra:

LXXXIII. **C**um autem ex concessione felicis record. Sixti Papa V. Præcessoris